



UNIVERSITÄTS-
BIBLIOTHEK
PADERBORN

Universitätsbibliothek Paderborn

Praxis Cvræ Pastoralis Præcipve Circa Repentina & Generaliora

Possevino, Giovanni Battista Bernardino

Coloniæ Agrippinæ, 1645

VI. De Baptismo.

urn:nbn:de:hbz:466:1-42220

CAPVT VI.
DE BAPTISMO
SUMMARIUM.

1. *Ætas pro baptismo.*
2. *Materia apta pro baptismo.*
3. *Materia non apta.*
4. *Materia dubia qua.*
5. *Aqua an debeat esse benedicta.*
6. *Quando baptizandum in aqua dubia.*
7. *Modus baptizandi.*
8. *Sal sit modicus, & quare.*
9. *Quanta aqua sit necessaria per Baptis.*
10. *De Baptismo in partu.*
11. *Quantum uiuat foetus mortua matre.*
12. *An Cur. teneatur facere aperire grauidam mortuam.*
13. *Signum mortis mulieris graue.*
14. *Quomodo baptizandum cum non datur tempus consulendi.*
15. *De trina infusione, immersione, vel aspersione necessario.*
16. *Quis possit vel non possit baptizari.*
17. *Brutum quomodo.*
18. *Monstrum quomodo.*
19. *Paruuli an baptizandi inuitis parent.*
20. *Quomodo in scijs parentibus baptizandi sunt.*
21. *Amentes an baptizandi.*
22. *An aliquis possit cogi ad Bapt.*
23. *An requiratur contritio in Bapt.*
24. *Rebaptizando cum conditione, quomodo se gerat Cur.*

25. De dubijs in forma.
26. Errores in forma.
27. Quale debet esse dubium in forma.
28. Quando rebaptizandum cum conditione.
29. Si forma non proferatur cum collatione materia.
30. Quomodo Cur. aget, ut euadat periculum rebaptizandi.
31. Modus baptizandi domi in necess. (tantum)
32. An Cur. debeat ipse baptizare omnes periculis.
33. An Episcopus praesente Curato possit baptizare.
34. An domi Cur. possit baptizare cum solennitatibus Eccl.
35. Quando solennitates sint supplenda.
36. An pannus, & candela possint pluries adhiberi ad seruare.
37. An imponenda sint nomina gentilium.
38. An possint imponi plura nomina.
39. An patrinus sit necessarius in baptismo.
40. Quid si baptizet sine patrino.
41. Patrinus quis possit esse.
42. An infans possit teneri ad baptismum non haretici.
43. An requiratur aetas in patrinis.
44. An patrinus sciat rudimenta fidei.
45. An peccatum sit admittere prohibitum.
46. Non baptizatus an possit tenere.
47. Curatus excusatus ad prohibitum.
48. Quot patrini possint esse in bap.
49. Tenens domi in necessitate an fiat compater.
50. Quo actu quis fiat compater.
51. Tenens non intelligens fieri comp.
52. An paternitas contrahatur ad Sacramentalia

53. Cognatio, qua contrahitur per baptismum.
 54. An patrinus teneatur respondere in baptismo.
 55. An idem homo possit esse patrinus plurium filiorum eiusdem.
 56. An eodem die idem vir possit diuersos leuare de fonte.
 57. An cognatus possit esse compater cognati.
 58. An intentio patrini sit necessaria.
 59. An exorcismi possint fieri in plurali.
 60. An exorcismi possint fieri disiunctim à baptis.
 61. De libro baptismi.
 62. Forma inscribendi baptiz.
 63. Forma sint scribendi tenentes ad exorcismos.
 64. Quale peccatum non scribere baptizatos.
 65. Quid agendum cum obstetricibus.
 66. Obstetrices imperite prohibentur.
 67. De tenendis in lecto infantibus.

QVAEST. I. In qua etate paruuli sunt baptizandi?

RESP. Rite baptizari in die octauo, sed & pater differens circa duodecimum, non peccat. *Henriq. lib. 2. ca. 4. numer. 12.* Baptizans prius non peccat. Conformato consuetudini.

Differens ad aliquas hebdomadas vel menses ex causa, si causa est rationabilis, puta mater magnatis differens baptismum filij pro morte mariti, aut aliqua de alia simili causa, non est de facili condemnanda de mortali. Si tamen Curatus in sua cura videat in hoc aliquem abusum, crebra admonitione eum tollat.

2. **Q**VAEST. Quae materia est apta pro Baptismo?

RESP. Omnem aquam naturalem. *Concil. Trid*

sess. 7 can. 2. talis est. Sulphurea, mineralis, manna, resoluta ex glacie, niue, rore, lexiuium. *Silue bapt. 2. question. 4. Omnes.*

3. Materia non apta est sudor, lacrymæ, puerum, saliuua, vrina, lutum, pannus aqua imbutus & non expressus, aqua stillata. *Silue bapt. 2. à c.*

4. Materia dubia est omnis aqua alio liquore mixta, quæ si est mixta in tantum, vt gustata recetur de nomine mixti, puta, mel aquatum, ac vinata, & aqua oleata, & omni alio simili modo non est materia apta. *Omnes. Brodium, si ita conficitur, vt vocetur gelatina, aut si totum purum gelosum, vt dicimus vulgariter, non est aptum. Silue bapt. 2. q. 4. not. 2. & 3. Armil. bapt. §. 20. & omnes.*

Saliquam non est apta materia. *Silue bapt. 2. q. 7. Secundum communem vero est materia apta. Henriq. l. 2. c. 9. n. 1. Armil. dubitat bapt. §. 25.*

5. *QVÆST. An aqua debeat esse benedicta?*

RESP. Negatiuè in necessitate, extra necessitatem est mortale, vt non benedicta. *Silue bapt. 2. quest. 3. Tolet. instit. li. 2. c. 18. num. 4.*

Sed, & si quis in necessitate vteretur benedicta, non peccaret, quia nullibi prohibitum. Respondenda tamen in sacrarium propter reuerentiam chrismatis, quo est mixta.

Si in hyeme afferatur ad Ecclesiam aqua calida miscenda benedictæ frigidæ, ne infans frigore lædatur, non misceas, nisi prius gustaueris, si nec ne naturalis, & hoc ad cautelam, ne apponatur aqua non apta.

6. *QVÆST. An unquam possit baptizari in aqua dubia?*

RESP. In necessitate solum sine peccato possibile quod

quod est, quando non possit omnino haberi alia materia. Sed addenda conditio, si est apta. Henrici. *lib. 1. cap. 9. nu. 3. & gloss.* quia melius est sic baptizare, quam nullatenus baptizare.

7. *Quomodo baptizandum, seu applicanda aqua?*

RESP. Tribus modis posse, vel immersione, vel infusione, vel asperzione. Igitur dicendum, obseruandum esse morem loci, etiam si mos ille sit contra morem Metropolitanæ, seu etiam Romanæ Ecclesiæ. *Sot. di. 3. art. 8. post 3. conclus.* Et non obseruare hunc morem, citra scandalum, non est plusquam veniale. Nota tamen, quod in necessitate cuius istorum modorum est aptus. *Sot. ibi.* Sed & extra necessitatem, si baptismus detur immersione & baptizandus sit adultus propter honestatem, sufficiet infundendo baptizare. *Tol. Instit. lib. 2. c. 18. n. 7.*

Si baptizetur immersione, & puer mergendo periclitetur, leuiter est aqua attingendus: Et si mergeretur, & moreretur baptizans peccaret mortaliter homicidio, sed non esse irregularem vult *Sot. ibi contra Palud. Suarez to. 3. dis. 20. q. 64. sect. 2. in fin.* Si verò baptismo notabiliter mors acceleretur non est baptizandus, si acceleretur minimo tempore est baptizandus. *Sot. ibi.* Sed hos credo scrupulos, cum tenuissimæ guttæ sufficiant, & illæ non possint puerum occidere maximè si aqua fuerit calida.

Communiter baptismus fit immersione, & communius infusione, quæ fit in capite. Omnes Obseruanda consuetudo loci. Sufficit, si tangat capillos, quia sunt pars hominis. *Tol. Inst. lib. d. c.*

18. *in fin.* affirmat. Sot. *ibi, art. 7.* dubitat, & iure constaret, aquam tetigisse solos capillos (quod vix est possibile) putare baptizandum cum conditione, quod etiam Sot. *ibi* non reprobat. Suarez *20. 3. D. 20. sect. 2* docet. corpus in aliqua principali parte mediocri saltem aquæ quantitate tingendum.

8. Nota pro immisione salis in os pueri, verba: Accipe salem sapientiæ, &c. modico parvis, quia alias vlcerat palatum paruuli, & parua quantitas sufficit.

9. *QVAEST. Quanta aqua necessaria pro Baptismo?*

RESP. Vnicam guttam vix sensu perceptibilem non sufficere, aliquas verò sufficere Sotus *articu. 7. versus finem*, dummodo sint tot, quæ possint dici abluere.

* Suarez vero *tom. 3. quest. 66. disp. 20. sectio 1.* ait eam aquæ quantitatem, & necessariam esse, & sufficere; quæ sit sufficiens ad abluendam, contingendam sufficientem corporis partem tanta, quæ successiuè fluere possit per magnam corporis partem. Sed hoc videtur esse, quod docet Sotus.

10. *QVAEST. Si puer in partu periclitetur, quomodo baptizandus?*

RESP. Si emiserit manum, vel pedem & non possit baptizari in capite, baptizandus in parte apparente. S. Thom. *3. p. quest. 68. artic. 11.* Silua *cap. 4. q. 1.* Tolet. *Instit. lib. 2. cap. 18.* Sed aliqui citati à Sil. volunt, si superuixerit baptizandus cum conditione, & alij negant.

Si apparet maior pars capitis, vt ab auriculis
sursum

sursum, aliqui tenent non esse rebaptizandum, quia communiter in baptismo non abluatur ultra dictam partem. At Durand. citatus ab Henriquez capit. 21. num. 4. gloss. T. libr. de baptismo, negat baptismum collatum in occipitio esse baptismum. Tutius est, esse rebaptizandum, quia baptizandus debet esse plenè natus quoad caput secundum communiorem sententiam inuolutum secundina. Siluest. bapt. 4. quest. 1. dicit baptizandum. Quidquid velit non intelligitur. Clarum est enim, aquam debere tangere baptizatum, quod non est in casu dicto. Sor. loco dicto, art. 7. Rumpatur secundina, & baptizetur.

Si verò puer non sit natus, & mater agonizet, quid agendum? Si enda est mori, & postea aperienda, & baptizandus. Omnes.

II. QVÆST. *Quantum superuiuat fœtus matris mortua dum existit in utero?*

RESP. Medicos valdè peritos mihi dixisse, superuiuere per horam, plus minusve. Quædam verò obstetrices octogenariæ & valdè peritæ dixerunt, moriente matre filium non esse superstitem, sed vel mori, vel antea mortuum esse aut si uiuit, hoc esse ad modicum tempus.

12. QVÆST. *An ad Curatum pertineat facere aperite grauidam mortuam, ut extractus foetus baptizetur?*

RESP. Teneri eodem vinculo, & non arctiori, quo tenentur omnes subuenire necessitatem extremam patienti. Si tamen viderit domesticos mortuæ deficere, & ni ipse sollicitet infantem probabiliter extrahendum mortuum, tenebitur sub mortali sollicitare, & procurare, aperi-
tionem matris.

Quid si admoniti domestici mortuæ, etiam grauioribus verbis nolint obedire? Si Curatus habet vim coactiuam, puta quia etiam est, Vicarius Episcopi per censuras, & ministros iustitiæ efficiet id ad quod tenetur, quia tunc ex officio ad hoc tenetur. Si non habet vim coactiuam, recurrat ad Episcopum, si sperat prouisionem Episcopi opportune profuturam: Si hoc non sperat recurrat ad brachium seculare, si pariter credit vel dubitat in tempore profuturum. Si nullum horum sperat, aut potest, acriter admonitos de obligatione, qua tenentur relinquat illos in sua opinione, adhibitis testibus, vt factum possit probare coram Episcopo, si fuerit opus,

Dato quod domestici velint mortuam aperire, quonam modo sollicitabit, ni fortè ex sollicitatione faciat verè occidere eam, quæ casu est in animi deliquio, vt potest euenire?

RESP. Remittat se ad medicum, & chyrurgum. Si isti defunt, vt potest euenire in villa, iubeat aperire mortuam, postquam ad iudicium obstetricum, & peritorum loci iudicatum fuerit eam vere esse mortuam. Si nec sit ibi aliquis hoc sciens? Iubeat semper cum conditione aperire, si est mortua. Si astantes dubitent? Numquam consulat, immo dissuadeat, quia & occidere est peccatum mortale, & mortale est, exponere se periculo occidendi. Vidi statim à morte, immissam in os mortui partem arundinis longitudinis digiti, & dimissam ibi ad horam vel circa vt per eam fœtus respiraret, & consulti Medici periti, an effectus possibilis? mihi affirmarunt.

13. Sed si vis omnia ista incommoda superare, scias

scias ex Galeno, vt à Medicis accepi, multis locis
vt *cap. 1. in princ.* De vtilitate respirat ionis. Item
de difficultate respirationis *c. 8.* Et clarissime *lib.*
4. de locis affectis c. 7. Quod carente homine re-
spiratione, & pulsu, careat etiam vita; exceptis
hystericis, id est, vteri strangulatione correptis,
vulgo dicimus Maldi madre; in quib⁹ opus est al-
tiori indagatone, & refrigeratis præcordijs, cū
toto corpore tuto aperiuntur. An verò respiret,
denotabit lumen exiguum ori mortui admo-
tum, si flamma non deijciatur. Item lana carpta,
vel bombix, eodem loco admoti immobiles
perseuerando.

Item ciathum plenum aqua super os ventris
positum, aqua immota permanente. Cum igitur
ista adfuerint, citra omne periculum, poterit
Curatus facere aperire mortuam.

14. *QVAEST. Si puer moriatur, & dubitatur de
baptismo dato domi ab obstetrice, & Curatus non
habet tempus studendi, vel consulendi peritum quid
ager?*

RESP. Baptizet cum conditione, si non es ba-
ptizatus, quia tuto agit: nam duobus inconueni-
entibus concurrentibus, accipiendum est, quod
habet minus periculi; hic autem cum concurrat
periculum, ne rebaptizandi, & periculum, ne in-
fans non baptizatus pereat, & hoc maius sit illo,
agendum est, vt dicitur.

15. *QVAEST. An baptizans, & intendens tri-
nam aspersionem, mersionem vel infusionem, si puer
moriatur facta vna, aut altera sola, & non reliquis
intentis, baptismus sit verus?*

RESP. Siluest. *bapt. §. qu. 1. Armil. bapt. §. 25.*

F 5

dicere

dicere non esse verum. *Sot. autem dist. 3. art. 8. ad 3. Henriq. lib. 2. cap. 7. not. 4.* dicunt esse verum, dummodo tota forma proferatur: quia asperio, immersio, vel infusio non sunt de necessitate Sacramenti, & intentio ministri non potest facere, ut sint Sacramento essentialia. Et ista intelligenda siue hoc fiat casu, siue sponte: sicut etiam si post trinam infusionem, & absolutionem formæ, aqua, quæ in vase superest, fundatur super caput baptizati, quia est eadem ratio.

16. QVAEST. *Quis possit, vel non possit baptizari?*

RESP. Monstrum non posse baptizari.

Dubius, an viuat, baptizetur cum conditione si viuat. Practica. Vide prius, an habeat aliquod signum vitæ, si habet baptiza liberè, si non habet, nullatenus baptizes, si dubitatur an signa quæ habet sint vitæ, baptiza cum conditione. Signa vitæ sunt respiratio, & pulsus, seu palpitationis cordis, sic medici retulerunt ex Galeno loci citatis, *num. 10.*

17. Brutum natum ex patre bruto, & matre homine, etiam si appareat homo, non baptizatur. *Henriq. lib. 2. ca. 11. nu. 1. & ca. 16. num. 2.*

Monstrum quantumuis deforme, etiam si ex capite appareat brutum, & ex alia corporis parte, si natus est ex patre homine, credo posse baptizari, saltem cum conditione, quia originale peccatum, quod baptismus delet in paruulis, traducitur ex semine humano. Deductum etiam ex *Henriq. ibi* ex conformitate rationis Confirmatur ex Galeno *lib. 2. de naturalibus facultatibus. c. 6. vbi* habet, semen maris habet facultatē naturæ

naturæ, qua formatur, augetur, & nutritur animal, &c. Ex quibus deducitur vim generatiuam esse in semine maris, & cum mas sit homo & ex semine humano traducatur peccatum originale, videtur rectè dici posse, in casu nostro baptizandum, saltem cum conditione.

18. Monstrum si habet vnicum caput, baptizatur. *Silu. bapt. 3. qu. 10.* Si habet duo capita, baptizetur prius absolutè vnum, deinde aliud cum conditione. *Silu. ibi, & omnes.*

Praxis. Si Monstrum habet multum de insolito, si daretur tempus, ego non baptizarem nisi Episcopo consulto.

19. Paruuli non possunt baptizari, inuitis eorum parentibus nisi.

Primo. Quando paruulus habet alterum parentem fidelem. *Sot. dist. 5. art. 10. 5. arg.*

Secundo. Quando paruulus infidelis capitur in bello Fidelium contra infideles. *Sot. ibi Azor. Inst. 1. p. lib. 8. cap. 25.* Parentum verò nomine intellige parentes, & tutores, siue testamentarios, siue legitimos, siue datiuos, licet *Sot. ibi* dicat, non fieri tantam iniuriam, si baptizentur existentes in tutela tutorum, quantum si baptizentur dum sunt in potestate parentum, *idem Azor. ibi.*

20. Paruuli possunt baptizari inscijs, sed non inuitis, & contradicentibus eorum parentibus.

Primum. Quando iure sunt statim separandi à parentibus.

Secundum. Quando iam iam paruuli moriuntur.

Tertium. Quando distant longè à parentibus

etiam si sint empti in bello iniusto; sed si parentes sunt vicini non sunt baptizandi, nisi prius consultis parentibus Sotus, & Azor *ibi*.

Et baptizare extra hos casus erit mortale quia fit notabilis iniuria parentibus dictorum paruulorum, nec sufficit bona voluntas, quia est zelus sine scientia.

21. Amens perpetuus, qui non est in potestate patris, nec matris, potest baptizari. Silu. *bapt. 4. q. 14.*

Si habet lucida interualla, si in stet periculum, & constet desiderasse baptismum baptizandus, aliàs non. Si est dubium, an desiderauit necne baptizandus cum conditione, si desiderauerit. Item dicitur de dormientibus. Siluest. *bapt. 4. quaest. dicta.* Dummodo tamen qui baptizatur cum in amentiam, vel somnum incidit, non habuerit voluntatem permanendi in peccato mortali. Ita Sot. *dist. 5. articul. 12 in 3. argum.*

Si dubium est an puer infidelis habeat usum rationis, & pater velit baptizari, ipse verò non. Sot. *dist. 5. art. 10. dub. 2.* affirmat baptizandum. Suarez verò *disputat. 25. sect. 3. circa fin.* negat id licere, quia Sacramentum redditur dubium, ad validum existat.

22. *QVAEST. An aliquis sit cogendus ad baptismum?*

RESP. Cogendum paruulum natum ex parentibus fidelibus & non baptizatum eorum incuria, vel malitia. Sotus *dist. 5. art. 9. in fin. vide cap. 5. n. 6.*

Si dubium est. An puer habeat usum rationis, & velit baptizari. Sot. *dist. 5. ar. 10. dub. 2.* Suarez

loco d. volunt baptizandum, subtractum prius à parentibus. Henriq. vero cap. 29, num. 3. negat, quod potior sit conditio possidentis.

23. QVÆST. An in baptismo requiratur contritio?

RESP. In adultis sufficere attritionem etiam cognitam esse attritionem, ita multi. Ratio est, quia si attritio talis sufficit pro pœnitentia, vt concedunt omnes, & Conc. Trid. sess. 14. cap. 4. multo magis sufficet pro baptismo, cum pro isto minor dispositio requiratur, quam pro pœnitentia, vt ipsum Conc. sess. 6. cap. 6. docet. Dices ibi baptismo præscribere contritionem tanquam necessariam. Respond. Suarez disp. 28. sect. 2. Non præscribere dispositionem simpliciter necessariam, sed eam, quæ optima est, & pro magis certa consulendam.

24. QVÆST. Quomodo se gerat Curatus in rebaptizando cum conditione, in casibus à iure permissis?

RESP. Si datur dilatio videat summas, si non datur baptizet.

* Aduertat autem quod rebaptizans citra causas concessos fit irregularis. Communis. An autem eandem irregularitatem incurrat qui timore, & nulla diligentia adhibita rebaptizat conditione tamen apposita, vel mente retenta. Sot. & quidam alij affirmant, citantur à Suarez, ipse vero negat: peccabit tamen mortaliter, quia hoc est magnam iniuriam Sacramento irrogare. Suarez tom. 3. q. 71. disp. 31. sect. 6.

Primò. Quando est dubium probabili in materia, vt est dictum num. 3.

F 7

Secundò

Secundo. Quando est dubium in forma, vel baptizando dicatur.

In virtute Patris, & filij, & Spiritus sancti. *Sot. dist. 3. ar. 5. in fin. 6. arg. Henriq. l. 2. cap. 10.*

In nomine Genitoris, Geneti, & ab utroque spirati, vel procedentis probabilius iudicatur non esse baptismum. *Sot. dist. & à dicto, in 7. argum. Henriq. lib. dist. c. 9. nu. ult. & refellit Caiet. qui tenet contrarium.*

Item si dicatur cum nomine (quod videtur usitatum inter idiotas) vel per nomen Patris & filij, & Spiritus sancti, quia non est idem sensus dicere: Cum nomine, & dicere: In nomine.

Alius error potest fieri in probatione formæ. Pro quo nota cum *Silu. baptiz. 1. q. 7.* Quod corruptio verborum plus mutat in principio quam sine: idè etiam si non maneat sensus secundum grammaticam, sed euadat in alium sensum, siue grammaticalem, siue non, sed illa mali prolatio sic solet fieri ab eo, qui profert, dum intendit proferre formam, valet talis forma, puta dicendo: In nomine Patris, vel Patre, & familia. Et hic error est germanus idiotis & vetulis.

Alius error potest esse in additione formæ, de quo vide *Silu. bapt. 1. q. 6. & Sot. artic. d.*

25. Igitur, quodcumque dubium est probabile vel ex iudicio sapientum, vel est de hoc verisimilis coniectura dubitandi, an baptismus sit validus, tunc rebaptizandum est cum conditione, si non es baptizatus, quæ sufficit absque additione, & si non es baptizatus, non baptizate, quia est superflua. *Angel. sacram. qu. 12. Sotus autem*

autem dist. 1. artic. 94. arg. vult tunc dubium esse legitimum, cum facta diligenti perscrutatione, veritas non valeat definiri. Hæc dubitatio erit valida, si fuerit à scriptis auctorum non reprobatorum. Item si fuerit per propriam prudentis rationem benè discussam. Vide cap. 15. de opinionis electione.

Sed nota bene. Ponas te semper in tuto, ne baptizandus patiatur: quia licet, quæ aguntur secundum opinionem benè discussam rectè agantur quoad fugiendum peccatum, non tamen certum est effectum ex opinionis electione manentem ratum haberi apud Deum. Leonardus Lessius de iust. lib. 3. cap. 1. dub. 4. numer. 43. ex simili, tunc enim ratum habetur, cum opinio est vera.

Tertiò. Rebaptizatur cum conditione, quando defuit intentio necessaria in conferente, vel suscipiente baptismum, & non est clarum de defectu illo, sed cadit sub dubio probabili.

Quartò. Rebaptizatur cum conditione, quando baptizandus non erat plenè natus, vt est dictum num. 8.

26. Quintò. Rebaptizatur cum conditione, quando verè constaret aquam tetigisse solos capillos, non carnem, vt est dictum, n. 6.

27. Sextò. Rebaptizatur cum conditione paruulus expositus ad ianuam Hospitalis, vel inuentus in nemore, quando natus est de recenti, & inuentus sine scriptura. Tolet. Instit. lib. 2. cap. 21. num. 3. & Sot. dist. 3. art. 9. in 4. arg. iudicat non rebaptizandos istos sic inuentos, si appareant habere mensem, vel viginti dies, nisi ex colore

colore esset vehemens suspicio natus ex infidelibus, puta mauro. Illos verò, qui inter infideles nati sunt ex parentibus fidelibus, & postea redempti aut mortuis parentibus sunt superstites, cum postea ad nos veniunt, nisi manifestis indicijs constet esse baptizatos, baptizandi sunt, nam præsumptio est non fuisse baptizatos.

28. *Septimò.* Rebaptizatur, si forma interruptatur tanto tempore, quod verò dicatur discontinuata, nam interrompere vno, aut altero verbo, non est interrompere, sicut nec tussiendo nec dicendo taceas, aut aliud simile. Siluestr. *bapt. 1. quest. 3.*

29. Ad hæc reducitur, si forma non proferatur cum collatione materia: nam quidam dicunt ambo simul esse coniungenda, hoc est proferre formam, & applicare materiam. Siluestr. *bapt. 5. q. 1.* Caiet. citatus a Soto *dist. 3. ar. 8. in 3. arg.* aiunt saltem esse necesse, vt durante forma applicetur materia. Sot. verò ibi ait, sufficere paulò ante vel paulò post abluionem proferatur forma, vnde è contrario, sicuti vnica actio est eius, qui dicit bibo, & postea bibit.

30. *QVÆST. Quomodo Curatus agat, vt euadat periculum rebaptizandi?*

RESP. Quærat ab offerentibus puerum antequam aliud agat, An puer sit nec ne baptizandus? si affirmant, curet omninò audire ab eo, vel ab ea, qui baptizauit, maximè si sit fœmina, & eo magis si agatur cum rusticis, & idiotis, quæ materia, forma, intentione vsi fuerint, & exauditis agat, quæ conueniunt. Benè ad hoc aduertat, quia mihi aliquoties contigit responsum fuisse

isse ab illis, qui puerum attulerunt ad Ecclesiam, puerum benè fuisse domi baptizatum, & cum diligentius rem inuestigarem ab illis, qui baptizauerant, inueni errorem in materia, vel forma.

Præterea aduertat, si respondentes videat titubantes, vel malè respondentes, non increpet, ne exaspirati præ verecundia affirmant falsum. Hoc vidi. Ideò veritatem benignè alliciat, deinde, si iudicauerit expedire, acriter repræhendat. Ad hæc, post cognitam veritatem, quærat de Patrinis, qui sint, & à quo designati, iuxta dicenda infra nu. 27. & sequ.

31. *QVÆST. Quis bonus modus baptizandi in necessitate?*

RESP. Hic, non nominata persona dicere, *Creatura Dei ego te baptizo, In nomine Patris, & Filij, & Spiritus sancti, Amen.* Sed aduerte, aquam qua vsus es, facias, te præsentem, deijcere in loco mundo; ne, si asseruetur, sit vlui ad aliquam superstitionem; vel cures ferri ad sacarium, propter reuerentiam Sacramenti. Hæc tamen non sunt absolutè necessaria.

32. *QVÆST. An Curatus benè agat si curet se vocari ad omnes periclitantes?*

RESP. Non est necesse, sed benè agere, tunc tamen, quando infans est plenè natus, quia sic ponet in tuto paruulorum illorum causam, qui sæpè malè baptizantur ab obstetricibus.

Dum verò adhuc infans est in utero matris, propter honestatem, obstetricibus & domesticis parturientis prouinciam finat. *Catechism. Rom. de bapt.*

33. *Si adsit Episcopus, & Curatus? Curatus baptizet.*

est.

zet, quia id onus est illi proprium. *Sot. d. 4. ar. 1. concl. 4.* De alia præcedentia, præferendo semper digniorem ut annuit Catechismus ibi dicendum. non esse rem necessariam.

34. *QVÆST. An baptizans domi in necessitate debeat baptizare cum omnibus solemnitatibus baptismi, ut fit in Ecclesia?*

RESP. Negatiue, sufficit utatur materia apta & forma necessaria.

35. *QVÆST. An solemnitates baptismi omiſſe in baptismo in necessitate dato sint supplenda, cessante necessitate, & sub quali peccato?*

RESP. *Tol. Inst. supplendas, l. 2. c. 23. num. 1.* non adfit sub quali peccato Credo sub veniali cum non sint necessariae citra contemptum temporum, quia cum illo esset mortale.

36. *QVÆST. An pannus, qui traditur in baptismo sub illis verbis: Accipe vestem candidam, & item candela, qua datur possint pluries seruire diuersis baptizandis?*

RESP. *Silu. bapt. 5. q. 4.* Affirmare de panno. Sed etiam eadem ratio est candela.

37. *QVÆST. An Curatus baptizandis imponat nomina gentilium?*

RESP. Obseruet Constitutiones sui Episcopi. Certè in multis Episcopatibus rationabiliter prohibetur. Si nulla adfit prohibitio, hortetur Curatus ad imponenda nomina Sanctorum, ut baptizandus illorum patrocinio adiuuetur.

38. Si parentes abnuant? Baptizet, quia impositio nominis non datur à Sacerdote, sed à parentibus, idèd in antiquis spiritualibus baptismi in principio ceremoniarum baptismi, erat ista inter-

interrogatio: Quo nomine vocaris? inuens à parentibus, non a me. Et si parentes velint imponi plura nomina, Curatus non curet, sed baptizet. quia nihil refert.

39. QVAEST. *An patrinus sit necessarius in baptismo?*

RESP. *Sot. dist. 4. art. ult. Concl. 1. affirmare.* Intellige tamen non de necessitate Sacramenti, sed de necessitate praecepti Ecclesiastici, & ex communi consuetudine.

40 Sed an omittens peccet mortaliter? Credo distinguendum. Cum baptizatur habens parentes, vel Curatores Christianos instruere volentes baptizatum, non credo peccare mortaliter non adhibendo patrilinos, quia ideò sunt instituti patrini, & ubi cessat ratio legis, cessat etiam illius prohibitio: Si verò baptizatus indigeret instructione, & esset verisimile, alias eam non habiturum, credo mortale, propter magnum damnum baptizati. In baptismo verò priuato Suarez *tomo 3. quest. 67. art. 7.* vult nullum esse peccatum.

41. QVAEST. *Quis potest esse patrinus?*

RESP. *Omnis baptizatus. Excipitur.*

Primò. Hæreticus, sed si teneat contrahit affinitatem. *Sot. d. 4. ar. ultim. in fine primi argum.*

Secundò. Abbas & Regularis *Silu. bapt. s. qu. 5. & Sot. art. dicto, ad 2. arg.* dubitat esse mortale si teneant.

Tertio. Qui publicam pœnitentiam egit *Henriq. l. 2. c. 14.* Sed supradictis tribus numeris volunt contrahere affinitatem, si teneant.

Quartò. Vniuersitas, seu Respublica, & hos nō

con-

contrahere affinitatem, sed qui eorum nomine tenet. *Silu. matr. 8. quæst. 7. not. 16. Sot. dist. 42. q. 1. art. 2. propè finem.* At *Rebellus de obligat. in additione 4. lib. num. 90. Ex decreto congregationis Conc. Tridentin. tenet ipsos mandantes contrahere.*

Quintò. Nec Pater, aut Mater baptizati. *Omnes.* In extrema tamen necessitate, possent esse patrini. *Sot. distinct. 4. art. ultim. 2. argument.* At placet distinctio, *Suarez 3. tomo quæst. 67. art. 7.* In baptismo solemni, qui confertur in Ecclesia per Sacerdotem, esse necessarium patrinum, & tunc vix possibilis est casus non adesse, qui teneat puerum præter patrem. In baptismo verò collato in necessitate patrinum non esse necessarium, & ita non videtur possibilis ista *Soti* necessitas.

42. * *Quares quid agendum, si illi, quorum nomine tenetur ad baptismum, sint hæretici, puta quis tenet nomine alicuius hæretici, tunc quid agat Curatus, cum si tenuerit, videatur participare in diuinis, quod canone prohibentur.*

RESP. Si iste hæreticus est publicè denunciatus, non est cum illo participandum, si autem participarit, non communicabit: nec peccabit: quia vi muneris sui iste Curatus (vt præsuppono) tenetur baptizare: & participatio, quæ est in dânum animæ vel corporis alterius, non comprehenditur, vt prohibita à canone. Si enim talis Curatus nollet baptizare, posset vergi in dânum animæ baptizandi. Si verò iste hæreticus non est denunciatus, nec peccabit baptizans: quia *Concil. Const. communiter receptum, non* prohi-

prohibet aliam participationem, quàm publici denuntiati, & excomm. per publicam clerici percussione Suarez *de censuris, disput. 17. sect. 2. n. 1. vide etiam c. 22. n. 67.*

43. QVÆST. *Qua aetas requiratur in patrino?*

RESP. Cum per compaternitatem quis contrahat obligationem, credo obligandum debere esse in aetate, in qua, per intellectum sciat, quid agat: Ideò debere plenum vsum rationis habere, quod cum communiter eueniat, cum puer communicat rectè poterit dici, debere tenentem habere circa duodecimum annum, nam tunc admittitur ad communionem vniuersaliter. Similem vsum rationis requirit Rebel. de obligationibus in teste pro matrimonio: *vide cap. 10. num. 3.*

44. QVÆST. *An patrinus teneatur scire rudimenta Fidei?*

RESP. Vbi baptizando incumbit necessitas sciendi necessaria, & non habet alium qui doceat, tenetur scire, aliàs non, vt communiter inter Christianos euenit, vbi parentes docent ista filios Sot. *dist. 4. art. vlt. ad primum argument.*

45. QVÆST. *An Curatus peccet admittendo aliquos ex dictis, nu. 27.*

RESP. In primo casu peccare mortaliter, si hæreticus fuerit denuntiatus. *Omnes.* In 4. nullo peccatum, quia ita fit sciente, & tolerante Papa. In reliquis non credo esse vltra veniale ratione leuitatis materiæ.

46. Si verò non baptizatus teneret, Henriq. *de confir. li. 3. c. 3. num. 3. gloss. N.* tenet esse mortale, quia fit contra præceptum Ecclesiæ.

QVÆST.

47. *QVAEST. An Curatus peccet, si illi noluerint desistere à tenendo, etiam postquam fuerint admoniti, & ille nihilominus baptizet?*

RESP. Et credo peccare mortaliter, quoties etiam tenentes mortaliter peccet. Excusabitur verò à mortali, si non possit prohibere sine probabili suo periculo, quia Ecclesia non obligat ad sui obedientiam, cum tanto periculo.

48. *QVAEST. Quot patrini possint esse in singulis baptismo?*

RESP. Duo ad summum, mas unus, alter fœmina. Concil. Triden. sess. 24. ca. 2. de reform. At nomine alieno tenentes possunt esse duo mares, vel dux fœminæ. Rebell. de obligat. in addit. l. 4. sect. n. 60. ex Decreto Congreg. Triden. & compaternitas contrahitur, ut est dictum n. 27. not. 4.

Debent autem isti patrini designari per Concil. *ibi Recte designantur à parentibus, aut baptizandorum curam gerentibus.* An etiam possit designari à Curato? Non credo contra placitum parentum, vel puerum baptismo offerentium, in defectum parentum, quia videtur prouisum Concil. satisfactioni eorum.

Si nulli designentur, & plures tangant contra. hit dictam compaternitatem, qui primo tetigerit, siue plures, siue nullus sit electus, Rebell. *ibi num. 95.* Quod si aliqui ultra designatos tangant, non cōtrahunt hanc affinitatem. Conc. loco dicto.

An Curatus peccet si secus factum fuerit sua culpa, vel negligentia?

RESP. Peccare, cum Concil. *ibi habeat, Parochus diligenter sciscitetur antequam ad baptismum conferendū accedat, quos elegerint, & si secus factum*

factum fuerit arbitrio Ordinarij puniatur. Non tamen credo peccare mortaliter, nisi quando ex ista non electione baptizatus patiat, vt est dictum num. 26.

49. QVAEST. An tenens domi puerum in necessitate baptizatum fiat compater?

RESP. Sot. c. dist. 4. ar. ultim. in fine, & Nauarr. cap. 22. numer. 40. affirmare Suarez verò tom. 3. quaest. 67. articulo 7. distinguit, si quis teneat voluntariè, vt exercens quendam actum Ecclesiasticum, habet probabile, contrahere affinitatem: Si vero teneat solo animo adiuuandi, non concurrenti, vt ad actum Ecclesiasticum, vult non contrahere compaternitatem. Videtur valde probabilis sententia. Porro si volueris tenere opinionem Soti, vide cum puer in necessitate baptizatur, qui propriè exerceat actum compaternitatis, vt statim dicetur, & illum nota in libro baptismi.

50. QVAEST. Quo actu quis efficiatur compater?

RESP. Cong. Conc. Trid. relata à Rebell. vbi supra numer. 95. vti hoc verbo tangere. ideo tactu quis contrahit hanc compaternitatem. Sot. verò dist. 42. qu. 11. artic. 2. pro. 2. conc. col. ante finem. Sil. bapt. 8. quaest. 7. not. 13. vocant tentio-nem se tenere, declarantes esse, dum puer baptizatur, vel tenendo; vel de fonte leuando; non tamen volunt necesse esse carnem tangere. Suarez etiam loco dicto vocat tenere. Sed addit proprium illius actus esse, suscipere baptizatum de manu baptizantis. Idem tenet Sot. in substãtia. Et ideò fit compater, qui suscepit puerum de manibus baptizantis, cum illum de fonte

fonte exemit. Sic qui suscipit de manibus obstru-
triciis puerum in catino, vel pelui baptizatum
imo si adultus baptizetur, sufficit ei assistere
quasi in propriam curam suscipiens. *Sot. ibi.*

51. Notandum tamen cum Suarez ibi, quod
videtur valde probabile, si quis suscipiat de ma-
nu baptizantis in baptismo priuato, vt est dictum
numero superiori, non intelligens fieri compa-
ter, sed solum adiuuare, non contrahere, compa-
ternitatem, & tunc neque erit necesse notare illud
solum in libro, secus vero, si vere voluerit actu
fieri patrinus.

An vero compaternitatem contrahat, qui bap-
tismo solemniter, etiam sine voluntate euadens
patrinus teneat? dictum est supra contrahere
num. 33.

52. *QVÆST. An qui teneat puerum domi bap-
tizatum, dum in Ecclesia Sacramentalia perficitur,
contrahat affinitatem?*

*RESP. Sot. loco dicto affirmare non contrahere,
re, etiam si ista fiant in Ecclesia, siue baptizetur
puer de industria, siue per errorem. Nauarr. de
men c. 22. num. 40. ait contrahi aliam cognitionem
nem impediens, sed non dirimentem. Rebellus
verò loco dicto, num. 94. ex Congregat. Concilij
Nullam cognitionem contrahi, licet l. 3. q. 18. de
impedimento, numero vigesimo. teneat contra-
rium contra Specul.*

53. Cognatio autem, quæ contrahitur per bap-
tismum restringitur per Concil. Trident. *sess. 24.
cap. 2. de reformat. matr.* ad hos, vt sit inter patri-
num, vel patrinus, & baptizatum, inter patrinus,
ac patrem, & matrem baptizati, inter baptizan-
tem,

tem, ac patrem, & matrem baptizati: ideò non contrahitur inter ipsos patrinos, nec inter patrinos, & baptizantem: multò minus contrahitur inter maritum, vel uxorem patrini, & baptizatum. Adest etiam de hac cognatione Bulla Pij V. quæ incipit. *Cum illius vicem*, quæ habetur ad fin. Concil. Triden.

54. QVÆST. *An patrinus teneatur respondere in baptismo?*

RESP. Silu. matr. s. quaest. 7. not. 13. Sot. d. 4. art. vlt. dicere esse bonum, si respondeat sed non necessarium. Et si patrinus respondeat in vulgari interrogationi factæ per Curatum in latino, non refert.

55. QVÆST. *An vnus, & idem homo possit esse pater, & patrinus plurium filiorum eiusdem viri?*

RESP. Posse, quia, & idem Curatus, qui contrahit similem compaternitatem, rectè baptizat plures filios eiusdem viri.

56. QVÆST. *An idem vir diuersorum hominum filios eadem de fonte leuare?*

RESP. Posse, quia nullibi prohibitum. In confirmatione ab aliquibus Episcopis prohiberi solet: fortè; ne contrahantur tot compaternitates, & tenens obligetur multiplicatis impedimentis.

57. QVÆST. *An qui alius est affinis, puta consanguineus, vel cognatus possit leuare puerum cognati, & affinis?*

RESP. Posse, quia & Curatus potest baptizare filios fratris, & nullibi aliter sancitum est, excepto tamen solo patre, & matre, vt est dictum numer. 27.

G

58. QVÆST

58. *QVÆST. An baptismus paruuli sit validus, si pater qui pro eo respondet, vere decipiat, & non habeat intentionem rectam respondendi, & ex hoc velit baptismus paruuli euadere nullus per talem intentionem?*

RESP. S. Thom. 3. part. qu. 64. art. 8. ad 2. Sec. distinct. 5. art. 10. dub. 1. AZGR. 1. part. l. 8. c. 25. q. 1. Et omnes dicere requiri intentionem ministrantis & eam sufficere.

59. *QVÆST. An quando plures sint baptizandi possint fieri exorcismi in numero plurali, pro omnibus unica actione, deinde singulos singillatim baptizare?*

RESP. Posse, quia non est de necessitate, ut distinctum fiant.

60. *QVÆST. An exorcismi possunt fieri distinctim à baptismo, puta per dies, aut horas ante, & inde conferre baptismum?*

RESP. Sine causa non posse, quia sic præscribuntur ab Ecclesia; cum causa verò credo possunt, quia nullibi constat debere de necessitate conuenire cum baptismo, & si semel facti, & interrupti fuerint, non erit peccatum eos repetere, intellige cum causa. Et possunt exorcismi fieri uno, & baptismus conferri ab alio quia nihil contra essentiam Sacramenti; qui tamē hoc ageret absq; causa, credo peccaret, saltem venialiter.

61. *QVÆST. An Curatus habeat librū baptismi?*

RESP. Habeat, quia ita Concil. Trident. sess. 24. c. 2. de reform. matrim. In quo describat nomen baptizati, nomina patris, & matris eiusdem, nomina compatrum, & nomen suum. Ego ita nomen, si placet modus, eo utere.

62. Die N. Mensis N. Anno N.

Paulus filius Petri de N. & Bertæ de N. eius uxoris, baptizatus est à me N. compatre, & commatre N.

63. Et si baptizatus domi, post verbum, baptizatus, addo nomen baptizantis, & reliqua Sacramentalia, perfecta sunt à me N. & si volueris tenere cum Soto, ut est dictum *num. 34.* addes leuantes N. Si verò placuerit sententia Suarez ibi relata, non oportebit addere nomen dicti leuantis.

Nec addendum est nomen tenentis ad exorcismos, quia ut est dictum *num. 36.* nulla contrahitur cognatio per Congreg. Concil. Trid.

64. QVÆST. An Curatus peccet, & quomodo si non descripserit, ut est dictum?

RESP. Et credo mortaliter peccare, quia vergit in magnum populi præiudicium. Præterea Constitutiones tui Episcopi videas, & scias ex Concilio ibi, si Parechi culpa, & negligentia secus factum fuerit, arbitrio Ordinarij puniendum.

65. QVÆST. Quid agat Curatus cum obstetricibus?

RESP. Videat an bene baptizare sciant, hoc est, an sciant, quæ materia apta, & quæ forma, quam expetit, quod vulgari idiomate proferant, quæ intentio, quæ coniunctio materiæ ad formam, quando baptizandum, id est, apparente manu, vel pede, vel cum dubitabatur, an infans viuat, in quo reperies deficientes. Et nescientes ista prohibeat quoad perfectè didicerint, & si noluerint obedire, admoneat Episcopum, qui necessario remedio præsto erit.

* Obligari autem ad sciendum ista, tenet Nauarr. cap. 21. num. 6. quod Suarez vt enim sequenti solum concedit, quando obstetrice iste ignorante, non sit futurus alius præsens, qui et sciat, & possit infantem rebaptizare.

66. Eodem modo prohibeat obstetrices, si scuerit, vel dubitauerit esse artis imperitas, quod didicerint, quia per illarum imperitiam fieri potest, vt infantes periclitentur, & sine baptismo moriantur. Et communiter Episcopi in Visitatione vtrumque curant. Porro prohibitio sit vobis lenis admonitio, & si non acquieuerint dicitur Curatus rem ad Episcopum deferat, & iussa exequatur. Et deficiendo credo peccet mortaliter, quia in re graui peccat, & ad ipsum spectat cura animarum commissarum.

67. * QVÆST. Quis de isto casu. In quibusdam locis, Curati post Baptismum præcipiunt, ne per aliquem infans noctu teneatur in lecto, ne dormiens à tenente suffocetur: & hoc sub excommunicatione. Hinc quaritur. An hac excommunicatione afficiat?

RESP. Excommunicat. p. not. 2. cum Hostien. tenere, Curatum in notorijs, quæ non indigent inquisitione vlla posse excommunicare. Suarez vero tom. 5. disp. 17. sect. p. n. 3. negat hoc generaliter: concedit tamen posse, si Curatus habeat tale priuilegium, vel ei competat ex consuetudine, iuxta quæ talis excommunicat, afficiet, & non afficiet. At vbi nec priuilegio, nec consuetudine gaudeat Curatus, malè agit sub tali modo ista prohibere. Sufficeret notificare de periculo, & monere ad occurrendum ei prudenti re
medi

medio. Sed & quidam loco instrumento ligneo vtuntur, in quo collocato puero, tuto possit eum ponere in lecto. Porrò si in Episcopatu alia fuerit prouisio, eam obserua.

A. V I C T O R E L L I

AD CAPVT VI. NOTÆ.

DE necessaria, & apta Baptism. materia. Suarez *tomo 3. dist. 20. sect. 1.*

5. Baptizatus in necessitate aqua dubia, cum conditione baptizandus, si fieri possit, aqua non dubia, sub conditione, post necessitatem.

6. Ablutio, ex communi sententia est proxima Baptismi materia, quæ postulat physicum contactum aquæ ad corpus baptizati, vt ait Suarez, cum successiua quadam partium aquæ per partes corporis effusione.

8. Decretum Clementis VIII. Illustriss. & Reuerendiss. Marco Cornelio Patavij Episcopo, nonnullis ab hinc annis, transmissum puerum in utero matris, in manu, vel pede emisso, baptizatum, sub conditionaliforma, ab *Alex. 3.* præscripta, (*C. De quibus de baptismo, &c.*) si nascatur, baptizandum iterum docet. Et hæc erat communis sententia.

18. [*Secundo In nomine.*] Idem placuit Suarez *tom. 3. d. 21. sect. 4.* [*Sextò.*] Expositus infans, cum scheda testante, baptismo illum donatum fuisse, sub conditione baptizandus non est. Comitulus *lib. 1. qu. 1. Respond. mor. cum Richard. in 4. dist. 4. articul. 4.* nisi graues coniecturæ baptismum sub conditione suadeant. 22. Omitten-

dæ solemnitates , vt quamprimum necessitati
pueri opem feras Suarez *to. 3. disp. 31. sect. 5.*

Sacerdos, præsentem, & inuito proprio pueri
Parocho, in necessitate baptizans graue sceleris
admittit, & laicus id faciens præsentem Sacerdote
Suar. *tom. 3. dist. 31. sect. 4.* Si tamen Parochus, &
Sacerdos id facere non recusent.

Sacerdos baptismum in necessitate ministrare
solemnitatibus vti non potest, quia non est mi-
nister ex officio. Suarez *l. c. intellige, sine licentia*
Parochi.

Obstetrices ignorantes formam baptismi
in culpa sunt.

27. Primò. Vide Sanch. *de mar. l. 7. d. 60.*

Quartò. Vniuersitas est ficta persona, & ideo
cognitionis incapax. Quæstio est, an singuli eius
ea cõtrahant? si vera est, multis rationibus, & Do-
ctorũ testimoniis cõfirmata sententia, Thomæ
Sanchez *l. 7. d. 59. de matrim. probata*, quæ tradit
non constituentem, sed procuratorem cogna-
tionem contrahere; nullus ex ijs contrahet. Ab-
bas, aduersantem sententiam amplexus, in cap-
ueniens, n. 5. de cognat. spir. singulos contrahere
ceaset. Declaratio congregationis Conc. Trid.
recensita ab auctore hæc habet (apud Rebellum
l. 4. in fine de obligat. Inst. sect. 4. ca. 2.) [*Procura-
tor non contrahit cognitionem spirituales sibi, sed
mandati.*] Et paulò post.

*Qui leuat, aut tenet, procuratorio nomine nullam
contrahit spirituales cognitionem.*] Hæc senten-
tia placet Sà *de impedim. dirim. n. 5.* & merito.

28. Sanchez *d. 61. l. c. n. 4.* Puerum cuiuscunque
ætatis, qui vsu rationis ad lethalem culpã patran-
dam

dam suffiçenti præditus sit patrinũ esse posse, ait.

Ex baptismo, sub conditione collato, cum constiterit, valuisse priorem baptismum, cognationem ortam non fuisse, exploratum est. Dum id non pateat, Ecclesia cognationem præsumet. Sanchez *d. 62. l. cit.*

Baptizans in necessitate, etiam laicus, cognationem contrahit. Sanchez. *l. c.*

19 Patrini, sub p. m. tenentur sanam fidei doctrinam, & Christianos mores susceptos pueros docere: si id præceptores faciant, aut parentes, excusandi sunt Gregor. *de Val. t. d. 4. quæst. p. 3. ex D. Thom. 3 p. q. 67. art. 8.*

33. Si nulli omnes, tangentes, si nulli designantur, affines spirituales effici, tradit Nau. *c. 22. nu. 39. Philiar. de off. sac. to. 1. p. 2. l. c. 11. Lopez 2. p. Inst. c. si Pet. de Ledesma de matr. q. 53. a. 3. Sà de imped. matr. & alij: Sanchez, hanc sententiam (l. 7. d. 57. n. 2. de matr.) probabilem putat: sed probabiliore, quæ docet, neminem affinitatem contrahere: cum nulli designati sunt, & plures tangunt. Sic etiam Manuel. *p. 1. c. 226. & Suar. q. 67. ar. 8.**

Si plures duobus designentur, aut duo viri, vel duæ fœminæ, & omnes ignorans parochus admittat omnes contrahere cognationem, quidam putant: Sanchez verò, *li. ca. nu. 14.* eum, qui prior puerum suscipit, vel ad summum, duos, virum, & fœminam, contrahere, censet; idem Suar. *l. c.* si plures designati puerum simul suscipiant, omnes, Sanchez; nullum, Suarez cognatum effici, tradit.

Si legitimè reiecti à Parocho, se ingerant, & suscipiant, non contrahunt affinitatem: Sanchez *num. 18. l. c.*

34. In patrino requiritur intentio efficiendi quod patrini efficere solent, exercendi scilicet actum illum susceptoris, quem Ecclesia instituit & qui materialiter tantum susciperet, sine hac intentione, non fieret affinis, Sanchez *d. 18. n. 4.*

Intendens Petri filium suscipere, si Lucij filium suscipiat, cum hoc, & cum eius parentibus affinitatem contrahere aiunt nonnulli; negat Sanchez *l.c. numero septimo.*

Qui per ignorantiam coniugis filium suscipit, à petitione debiti non repellitur, capitulando de cognatione spir.

Filium baptizans in necessitate ius debiti petendi non amittit. *ca. ad limina. 30. quaestione centesim. trigessim. septim. Resp. mor.*

Si quis filium suum ex concubina susceptum in necessitate baptizet, non potest illam sibi adsciscere uxorem sine dispensatione: incestum autem admitteret, si illam impudicè agnosceret. Ledes. *de matr. quaestione quinquagesim. sext. art. 2. dub. 2. V. Sanchez. d. 62. nu. 11.*

44. Obstetrices tenentur scire Baptismi formam, & si ignorent, peccatum esse lethale; ait Nauarr. *cap. 22. num. 66. citato Palud. & S. Anton.* sententia certè pia est; & obstetrices monenda sunt; ut sciant, vernacula lingua saltem, Baptismi formam proferre; at neque præcepto Ecclesiae neque naturali iure iustitiae, aut charitatis, ex vi officij spiritualem infantium nascentium, saltem curare, tenentur. Ad eas ex officio spectat dare operam, ut Infantes ex matrum uteris egrediantur incolumes. Ita Suarez *distinctione 21. sect. 5. tit. 5.*

Adul-

Adultum surdum, & mutum inter infideles sic
natum, signis baptismum petentem, non esse
baptizandum ni prodat signis, se in Deum cre-
dere, peccatorum dolore affectum intelligere,
Baptismum diuinitus institutum esse pro salute
animarum, censuit Lopez p. 1. instructio. consc. c.
decimo tertio.

C A P V T VII.

DE POENITENTIA ET PRIMO
Sanorum.

S Y M M A R I V M.

1. Vbi & quomodo audienda sit confessio.
2. An Cur. audiat confessiones suorum toties quo-
ties petunt.
3. Quomodo se gerat cum eo qui accedit cum va-
nitatibus.
4. An Cur. omnes de Episcopatu audiat.
5. Licentia simplici Sacerdoti facta quantũ valeat.
6. An Cur. absolueret possit poenit. alterius Episco-
patus Vicini.
7. Curati duorum Episcopatum vicinorum an
possint se inuicem iuuare.
8. An Cur. sine peccato potest introducere consue-
tudinem absoluendi homines alterius Episco-
patus.
9. An alienus pro deuotione possit confiteri in alieno
Episcopatu.
10. Veniens ex loco nullius Diœcesis an possit
audiri.
11. Quando Curat. possit alienum audire.